

## PREVENCIJA ZLOUPOTREBE PIROTEHNIČKIH SREDSTAVA

19.12.2024.godine

Pred nastupajuće vjerske i novogodišnje praznike, moguća je pojava nabavke i preprodaje petardi i drugih pirotehničkih sredstava, čijom upotrebom se narušava javni red i mir, uznemiravaju građani, a moguće je povrijeđivanje, naročito mladih osoba.

Prodaja pirotehničkih sredstava ima obilježje prekršaja i u nadležnosti je inspeksijskih organa. Potrebno je napomenuti da je posjedovanje na javnom mjestu, paljenje, ustupanje, prodaja, kupovina i nuđenje petardi i drugih pirotehničkih sredstava bez odobrenja nadležnog organa, sankcionisano Zakonom o prekršajima protiv javnog reda i mira.

Za onoga ko posjeduje, pali, ustupa, nudi, prodaje i kupuje pirotehničko sredstvo, predviđena je novčana kazna u iznosu od 300 do 900 KM.

Kada maloljetnik počini ovu vrstu prekršaja propisana je kazna za roditelja (usvojioca) odnosno staraoca maloljetnika od 400,00 do 1.200,00 KM.

Apelujemo na roditelje da poduzmu sve, kako bi se korištenje pirotehničkih sredstava svelo na najmanju moguću mjeru, a time i izbjeglo povrijeđivanje osoba koje koriste pirotehnička sredstva, a naročito djeca.

Zabranjuje se upotreba pirotehničkih sredstava koja za posljedicu ima ugrožavanje sigurnosti djece i odraslih te podliježe prekršajnim sankcijama.

**UPRAVA ŠKOLE**

